

龍陽觀後有老松一株馮君讀其孤秀長久不更變耳

龍陽可羨古松青柯葉經冬不變更孤秀亭亭堪作伴豈同花草片時榮

灤陽東至縉山可二百里所產之物他處未可及也

懷來玉液德興花未讓中原景物嘉更有閑人真受用一川麻麥是生涯

重午日與德興府道眾遊白貼山靈境寺

爲求出世遠塵寰一上西峯六十盤得到洞天清絕處使人特地覺心安

又

道藏輯要

葆光集

七

胃集十
八三一

白髮蒼顏學道流觀山玩水且優游少年門下多勤苦老後身心得自由

無所取實自然可用心耳

對月臨風最愛吟拈來放去不勞心自知出語皆空相惟遇通人是賞音

仲夏過武川道友以詩留過夏答云龍陽七月間立殿有瓜已熟因作是詩耳

因緣到處是生涯功滿三千結實花來日龍陽曾有約上梁已許啗新瓜

五夫人宅見怪柏禪牀作